

# 邕寧縣志卷二十二

## 垠西莫炳奎星五編纂

### 學校志二

新學制

中等學校

特殊學校

教會學校

城鄉高初小學校

自隋設進士科。遂爲後世科舉取士之始。歷唐宋元明清。皆沿其制。校士之法。或以詩賦。或以經義。或以策論。或以書判。雖有不同。其以文取人則一也。至清一代。沿襲明舊。獨重制藝。俗所謂八股文也。其命題以四子書。及五經爲主。當在康雍乾嘉四朝。尊重經術。所取士皆淵懿樸茂。學有根柢。稱爲得人。道光以降漸衰。然流風未墜。故中興如會胡左李諸鉅公。多從八股中來。用能定亂持危。再造清室。論者謂八股之士。何負於清蓋痛憤之言也。然而人才能八股。非入股得人才。咸同以來。號爲文弊。又等之自鄒矣。其時海疆多故。諸列強漸挾其科學以憑陵中國。一切設施。非有新造之人才。不足以資應付。而我膠庠之士。醉夢方酣。束書高閣。勿講世務。所習者高頭講章。所習者課藝墨卷。字摩句倣。掇巍科。登臚仕。比比皆是。故詢以漢高唐太而不知其時。問以十三經而不能舉其目。質以東西海國而不能悉其名。甚至讀逐北爲逐比。以檀道濟爲今人。登之奏牘。見清史叢譚其騰笑朝野者。何可勝道。人材之弊。至斯而極。教育之術。又烏能不變。光緒三十一年。朝旨遂將前鄉會試歲科各試。概行停辦。原有書院義學。著即變更。創興學堂。厲行新制，名曰新學。我縣奉文。所有縣內自師範中學以下各學堂。次第舉辦。先後成立。而特殊及教會各學堂。亦並附見焉。迄今三十餘年矣。調查於次。

## （中等學校）

廣西省立第三初級師範學校。初在城內府前東街。清光緒三十一年。朝廷厲行變法。興辦學堂。奉文到日。時南寧府知府杜慶元。先成立學務公所。委縣紳李祖若、黃居雖、爲正副所長。負責籌辦。將左江蔚南二書院。拜添購院左鄰民房二十餘間改建。原名南寧師範學堂。舍宇寬整。堂室操場俱備。可容學生四百餘人。甫落成。未開學。適巡撫張鳴岐。於宣統元年蒞邕。因改爲第三初級師範學校。民國元年停辦。會省會遷邕。省議會因假爲會場。三年學校恢復。原校既爲省議會所佔。乃另於西門外。將舊北帝廟改作新師範學校。仍用第三初級之名。即今址。此後省政府逐年撥款。擴充堂室。空氣光線。較舊校爲佳。并附設高小校一所。經費統由省款開支。民十八年。該校改爲廣西省立第一中學校高中部。二十年八月。改爲省立第一高級中學校。現有職教員六十人。學生三百三十三人。每年經費九萬一千四百一十五元。

廣西省立第一中學校。在城內倉西門正街。原名南寧中學堂。清光緒三十二年。將關帝廟。烏龍寺。烏龍祠。及祠後之白夫人祠。至富宮。大葉宮。合而修改。堂舍多仍舊貫。其頭門即關帝廟故址。民國六年。始改今名。每年由省款撥給銀六千元。爲補助經費。其原有地方經費。如屋租鹽捐等。仍照舊按月收領開支。該校面臨市場。市聲嘈雜。大非所宜。且逼近城隅。每交夏令。暑溽薰蒸。恒病腳氣。衛生上殊碍健康。民國四年。校長李唐弼。擬欲遷校。初議在商埠地。繼在北門外軍部地。俱未蒙政府允准。六年。杭玉華接充校長。七年。乃擇得商埠南頭之左卯逢墟地。頗覺相宜。經已度地。繪俱圖式。召匠估計。包工包料。需建築費銀六萬元。於是議將原校址。取相當價格拍賣。時巡閱使陸榮廷。意

欲購此。以廣私宅。會親到校相地量度。有成議矣。既而不果。民十以後。更兼政局多變。末遑建築。民十五。校長葉光璽。始得主席黃紹雄。允許南城外高廟坡地。建爲校址。遂撥開辦費一萬元。以五千元購置李屋塘一張。四千元整理地基。將原校售與銀行。得銀五萬元。政府又撥給銀六萬元。合共十一萬元。爲建築之費。於是鳩工庀材。十六年某月興工。十七年六月落成。其方位西向。建設洋式教室十八間。學生宿舍二座。可容學生四百餘人。又填築右邊李屋塘。爲體育場。劃其小部分。建築雨操場。庖室、會食室。俱在東頭。並建中山紀念亭一座。其東北隙地。闢爲林場。廣植花木。又鑿井一口。以便取汲。規模宏闊。亦堂皇之建築也。惟設備上。多有未周。如教職員室。尚須陸續添建。學生宿舍未敷用。多數通學。他如禮堂未設。學生療養室。學生會辦事室。校具儲藏室。學生休息室。員生俱樂部各室。均無。至於教室太過接近。授課時。聲浪接觸。殊多防碍。又講堂西向。午後太陽回光倒射。上課時猛烈熱度。至難避免。凡此種種。又須亟應添建改良者也。現有職教員八十三人。學生九百零五人。每年經費八萬三千六百八十五元。

按該校民國二十三年  
改爲南寧初中學校

縣中學校。初爲商業學校。假鎮北橋石神廟設立。民國七年。將該校改組而成。校舍湫隘。僅容二班。難圖發展。經何黃二校長。屢議遷地改建。因爲財力限制。未果。十三年。繼任校長杭維斌。始將茶亭街太子廟、崇善寺、兩廟合併。畧事修葺。用爲校舍。遷焉。即今校址也。常年經費。由勸學所籌撥。然二廟雖合成三進。但係廟式。除辦公外。僅容三班。宿舍全無。學生俱通學。教職員多外宿。管教上極感未便。十四年。杭校長去任。黃校長尚拔繼之。欲推廣班數。將二廟前進。改建洋式樓一座。得上下教室八間。需費銀

三千餘元。然學生宿舍。教員住室。均未設備。猶爲遺憾。十五年秋間。黃校長卸職。繼任黃立生。本擬增建。經已規劃。未及進行。旋因別就。辭去本職。十六年八月。陳錫朋接充。時學生已招至九班。欲擴充至十二班。於是擬全行一大規模之改建。顧茲事體大。非獨力所能任。亦非旦夕所能期。乃組織建築委員會。由衆推選得十七人。分担任務。刻期進行。先建宿舍。乃在校左。收用老廊廟空地。並收買民房上蓋。鳩工建築西式宿舍一座。計樓上下。得學生寢室四十二間。每室可住十二人。後爲學生會食堂。爲球場。十七年九月興工。逾年二月落成。需費銀二萬八千餘元。二十年。又將第二進廟宇。金行拆毀。重新改建西式校舍一座。計樓一層。得禮堂一。教室十一。男女生休息室各一。左爲運動場。右又填水塘。建築職教員室。會食室。庖湍室。并鑿井一口、是年十二月興工。二十一年夏間落成。需費銀二萬零七百七十元。又建築中山紀念亭一座。需費銀二千零一十元。此項銀。由學生教職員樂捐而成。校地面積四十畝有奇。除建築外。所餘隙地。闢爲農場。俾學生得以實習。回思該校自七年成立以來。因陋就簡。校長經六七任。歷時十餘年。至是始稱完備。計現有職教員三十二人。學生四百八十人。常年經費。四萬八千零二十五元。二十三年停辦。將原有學生。歸併南寧初中辦理。

私立平旦中學校。民二十一年成立。在城南桃源路。租借陸氏宗祠建設。二十四年。經教育廳批准備案。現有職教員二十三人。學生一百八十人。常年經費。九千八百六十元。

縣立鄉村師範學校。民二十二年成立。校址在亭子鄉平南村。假舊寺院改建。職教員六人。學生五十人。常年經費三千九百元。

縣立師範講習所。民十五年成立。附設縣中學。學生兩班。一百二十人。職教員由縣中學兼

任。常年經費一千八百元

省立第三女子中學校。校址在北門街。借敷文書院改建。民十五年。係省立第一中學校女子部。十六年。改爲省立第三女子師範學校。十九年。改今名。現有教職員三十三人。學生二百二十五人。常年經費三萬七千六百八十五元。

縣立蠶業學校。在東郭新街外。清宣統二年。勸學所呈請將火神廟改建。初專教植桑養蠶。民國六年。兼授抽絲紡織。十三年。改爲職業學校。職教員一十五人。學生五十五人。常年經費九千八百四十元。由鹽捐項下開支。二十二年停辦。

### （特殊學校）

中央軍事政治學校第一分校。校址在原日陸軍標營。民十五年成立。

陸地測量學校。清光緒三十二年成立。初辦於桂林。名廣西測繪學堂。民元遷龍州。改名廣西陸軍測量學校。民四遷南寧。民二十一年改今名。

法官訓練所。民二十一年成立。

軍醫補習所。民二十年成立。

計術人員養成所。民二十二年成立。

無線電訓練班。民二十一年成立。

### （教會學校）

辣丁書院天主教。光緒二十六年成立。學生一十五人。職教員三人。校址在南郭巷。

三育學校基督教。民九年成立。學生男二十人。女生一十四。常年經費一千六百九十元。校址在經文街。

崇貞女塾天主教。民十年成立。常年經費八千元。校址在明德街。

### （城區高初級小學校）

模範高等小學校。原名兩等小學校。初在城內下石牌坊街西向。清光緒三十四年夏間。左江道紀堪謹。委永淳古濟勛爲校長。將右營守備廢署。及行宮廟改建。並填築廟後塘一張。以擴充校址。是年十月落成，即招初高等學生各一班。開學。此爲兩等合班之始。宣統二年。李祖若繼爲校長。欲推廣班數。於校後續購民房二十餘間。建一大規模合班講堂洋式層樓一座於東南隅。上可容學生二百餘人。下可作雨操場。又建合班講堂於西。可容學生百餘人。於是校舍後牆。東抵城基。繚以牆垣。又於東門正街。另闢建西式頭門。因圖管校便利。劃其校址小半。及初等班生。另爲第五國民學校。出入由舊頭門。其高等生。出入由新頭門。故易今名。此又爲兩等分班之始。初以二校合爲一。今以一校分爲二。鴻溝劃分。不相混雜。至高等生寢室。及操場。則以對面之左營都司廢署。及箭導地改建。經費中硝磺附加捐項下開支。此役得力紀道堪謹爲多。聞之頗有捐廉相助。紀道以興學自任。此項建築。爲最滿之成績。嘗語人比於王文成云。

縣立高等小學校。初在南門正街止誼書院舊址。清宣統三年。因校舍不敷。乃將西城外白衣菴改建新校。遷焉。即今址。民國十年。增建講堂宿舍。由是遞年皆有增建。校前餘地。佔地數畝。前有榕樹一株。數百年物也。向爲市人往來喧囂之地。今繚以周牆。栽植花卉。風景清麗。頗覺宜人。常年經費。由賓興產業租。學田租。及鹽捐開支。

女子高等小學校。在城內馬草街。民國二年。縣自治會。以觀音堂及堂右之屋。同時改建高初兩等女學堂。自五年勸學所恢復後。逐年擴充。增建樓室。並附設女師範講習所。經費

由鹽捐船行捐項下開支。

第一國民學校。民國六年立。附設縣立高等小學校內。

第二國民學校。舊名城西初等小學堂。清光緒三十二年。以西門外白衣菴改建。旋遷於三界坊街三界廟。民國六年易今名。嗣將對面公地收回。增建校舍。以擴充之。

第三國民學校。舊名南郭初等小學堂。民國元年。以南門外下郭街玄壇廟即神霄宮改設。六年易名。并擴充班數。

第四國民學校。舊名城南初等小學堂。清光緒三十一年。以水閘門即鎮江門內當陽街三界廟改設。民國六年易今名。

第五國民學校。在城內石牌坊街。民國六年。從模範兩等小學校。劃出成立。

第六國民學校。舊名東郭初等小學堂。民國元年。以東門外三清觀改設。六年易今名。

第七國民學校。舊名北郭初等小學堂。民國元年。以北門外興寧街。北府廟改設。六年易今名。

第八國民學校。在西門外石神廟。即縣中學故址。民國十三年設立。

女子國民學校。舊名女子初等小學堂。宣統三年立。初在南門街正誼書院。旋遷馬草街觀音堂。民國二年改建新校。遂與女高等小學合焉。六年易今名。

以上各校經費。昔統由勸學所撥支。自民國十二年。除高級各校。有指定租欸外。其餘由城自治會。從徵收城區屠牛捐。附加屠猪捐。道巫捐等項下。分別撥支。

### （鎮鄉區立高初級小學校）

三官鎮。在縣南境。全鎮地分八段。距城自九十里，以至二百六十里之遙。

甲峯高等小學校。在大塘墟。以甲峯書院一連三進改設。光緒三十二年成立

甲峯國民學校。在大塘墟。以靈王廟一連三進。及右旁屋一間改設。民國五年成立。

那陳高等小學校。在那陳墟。以靈王廟改設。民國五年成立。

那陳國民學校。在那陳墟。民國二年。以文武廟改設。

定西高等小學校。及國民學校。在定西村。以諫議廟改設校舍。

南興國民學校。在那坤村。假民房爲校舍。

雅王國民學校。在雅王墟。假農氏宗祠爲校舍。

三官高等小學校。及國民學校。在那曉墟。以三官書院改設。今改名保團學校。

獅峯國民學校。在寫書村。校舍新建。以上民國七年成立。

洞明高等小學校。及國民學校。在團洞村。假民房爲校舍。

南忠高等小學校。在南忠墟。以公屋爲校舍。

南輔國民學校。在那布村。以公屋爲校舍。

南洲國民學校。在南甘村。假民房爲校舍。

南間國民學校。在那間墟。以公屋爲校舍。

南煥國民學校。在南煥村。以諫議廟改設。

萃南國民學校。在南來村。假民房爲校舍。

榜南國民學校。在那榜村。以新建之公屋爲校舍。

振興國民學校。在平田村。以諫議廟改設。

強農國民學校。在那農村。以公屋爲校舍。

泰安國民學校。在大安墟。以公屋爲校舍。

樂育國民學校。在那霸村。校舍新建。

興風國民學校。在那盆村。以公屋改設為校舍。

開蒙國民學校。在那蒙墟。以公屋為校舍。

仁里國民學校。在福里村。以諫議廟改設校舍。

派桑國民學校。在派桑村。以公屋為校舍。

蓬萊國民學校。在蓬萊村。假李氏花萼樓為校舍。

秀峯國民學校。在那梨村。校舍新建。

羅英國民學校。在羅浮村。校花由羅巨富捐資興建。曾得政府獎章。

公榮高等小學校。在公榮墟。假民房為校舍

代用國民學校。在潭嶺村。

南洲高等小學校。在南洲墟。

上段國民學校。在團呈村。假民房為校舍。

潭樸高等小學校。在潭樸村。假民房為校舍。以上民國八年成立

明敏國民學校。初名明新。在潭留村。假蘇氏宗祠為校舍。

啟文國民學校。在錦琶村。假民房為校舍。

愛育國民學校。在東降村。以公屋為校舍。以上民國九年成立

興南國民學校。在上汶村。公屋為校舍。民國十年成立

昭明國民學校。在利福村。假民房為校舍。民國十一年成立

以上高國各校經費。由該鎮自治會。徵收全鎮境內屠牛捐。及屠猪每頭附加捐銀三毫。

以爲鎮內公共教育經費。每年按各校學生班數多寡。分別逐月撥支。至各校就所在地。特別呈請官廳。核准徵收之各捐。如買賣生牛捐。過境生牛捐。墟中眾稱捐。豬崽捐等類。不在此內。

東門鄉 在縣東境。與城區毗連。距城自三里至三十里之遙。

香津國民學校。在津頭村。民國三年立。假雷氏宗祠爲校舍。

垠邊第四國民學校。在垠邊村八甲。民國十四年成立。以寶華廟宇爲校舍。以通濟橋渡資。爲常年經費。

毓材國民學校。在竹排冲村。民國八年成立。以三界廟爲校舍。

蘇村第一國民學校。在大蘇村。假鎮鄉廟爲校舍。

蘇村第二國民學校。在小蘇村。假民房爲校舍。

泗美國民學校校舍。在嘉猷嶺。假盤古廟爲校舊。以上三校民國十一年成立

以區內屠牛捐爲各校公共經費。

四塘鄉 在縣東境與東門鄉毗連。距城自三十里至六十里之遙

朝川國民學校。在四塘朝川墟。清宣統二年。將諫議廟改設。經費以附加屠豬捐。接押捐。

衆稱捐。房屋租。魚塘租等。收入開支。民國八年。縣人馮之樾、之聰、兄弟捐送坐落四

塘鄉亘奇村、那垠村、潭皮村、奇羅村、那棍村、等處熟田。各多畝來校。計每年額收租

穀三十六石四斗一升六合。冊註下東二圖七冬朝川學校戶。應納民米二石正。民國來捐資

興學。獲得政府獎章者。縣屬自馮氏兄弟始。

盤古高等小學校。在盤古新墟。民國八年。團紳郭繼昌等。發起捐建校舍八間。郭啟芳、郭尊道、粟茂佳、粟必進、郭絹芳等。均以捐資興學得獎章。至校中經費。以穀租。及附加本境內屠豬捐爲常款。

盤古國民學校。民國三年立。附盤古高小校內。

達時國民學校。在淶村。民國七年立。校舍假三界廟二椽。  
進新國民學校。在平洞村。民國八年立。校舍假雷廟二椽。

以區內屠牛捐。爲各校公共經費。

五塘鄉

任東境與四塘鄉毘連距城自七十里至一百九十里之遙

尖峯高等小學校。及國民學校。在五塘墟閘門外。清光緒三十三年。紳衆雷紹武。方顯朝。覃炎等。呈淮南寧府方。將毓秀書院改設。并請附加墟內屠豬捐。每頭銀四毫。接押捐。每年銀七十元。提撥李青蘊田畝租谷。每九千四百餘斤。爲經常費。民國七年。陸建瀛、覃森、方樹勳、又呈請撥烏龍寺及城隍廟和尚田租爲經費。亦經管學官核准。

強明國民學校。附強明高小校內。

崑崙高等小學校。在盤古舊墟。將關帝廟改爲校舍。

都保國民學校。在那錫村。假李氏宗祠爲校舍。

育材國民學校。在波麗村。暫假覃廣濟書屋爲校舍。

強華國民學校。在黃猛村。將三清廟爲校舍。

三希國民學校。在凌慕村。以玉皇廟爲校舍。

上達國民學校。在八塘段上達村。

廣智國民學校。在潭滌村。假滕氏宗祠爲校舍。

正基國民學校。在木橙村。校舍村內。

啟智國民學校。在料村。假滕氏宗祠爲校舍。

太星國民學校。在中堂村。假李氏祠爲校舍。

三立國民學校。在潭黃村。假諫議廟爲校舍。

養正國民學校。在郭滌村。校舍新建。以上民國七年成立

憲章國民學校。在合水墟。以文武廟爲校舍。

敦本國民學校。在潭白村。假方氏宗祠爲校舍。

強明高等小學校。在七塘大陸墟。將泰昌廟修改爲校舍。

大成國民學校。在上六塘。校舍新建。以上民國八年成立

博文國民學校。在誥封村。以誥封爲校舍。民國九年立。

明德國民學校。在陳諫村。將沙彈廟。改爲校舍。民國十年立。

兩山初級小學校。在兩山墟。借舖戶爲校舍。民國十三年立。

以區內屠牛捐。爲各校公共經費。

伶俐鄉。在縣東南境。西臨大江。西與五塘鄉毗連。距城自九十里。至一百五十里之遙。

玲令墟高等小學校。及國民學校。在伶俐墟東。清光緒三十二年建立。堂室共十餘間。經費

以抽收本墟木牌捐。附加屠豬捐。及淥文村田租爲常款。

段里國民學校。在上甲段里村。南面臨大河。以玉皇廟爲校舍。民國六年成立

石塘國民學校。在上甲石塘村。以玉皇廟爲校舍。以該廟款息爲常費。

通水國民學校。在下甲通水村。假民房爲校舍。

達三國民學校。在葛峯段淥撻村。假民房爲校舍。

武羅國民學校。在葛峯段武羅村。假民房爲校舍。以捐款息金爲常款。

陀江國民學校。在中甲那陀村。假民房爲校舍。以廟款爲常費。

葛嶺國民學校。在葛峯段葛嶺村。假民房爲校舍。以捐款息金爲常費。以上民國八年成立

玲墟女子國民學校。在伶俐墟內。暫借民房爲校舍。以附加屠猪捐爲常費。

以區內屠牛捐。爲各校公共經費。

亭子鄉。在縣西南境。與城區僅隔邕江水。距城自一里至五十里之遙。

平南高等小學校。及國民學校。在亭子墟。清光緒三十二年立。以觀音北帝文武帝廟三間。

合爲校舍。以墟中公稱捐。及抽收大小生豬捐爲常款。

江岸高等小學校。及國民學校。在邕江西岸。清宣統元年立。以弘仁寺爲校舍。以西岸橫水

渡船捐爲常款。

平南女子國民學校。在亭子墟。民國九年立。假謝氏宗祠爲校舍。

以區內屠牛捐。爲各校公共經費。

蒲津鄉。在縣南境。興亭子鄉毗連。沿江而下。距城自二十里。至一百里之遙。

南斌高等小學校。及國民學校。在良慶墟。清光緒三十一年立。旋停。民國六年恢復。校舍

以公屋爲之。經費以抽收墟中鹽糖捐。及附加屠捐爲常款。

蒲津高等小學校。及國民學校。在蒲廟墟。清光緒三十一年。將蒲津書院改設。旋停。民國

七年恢復。經費以抽收墟中油糖穀米捐。及附加屠捐爲常欸。

長塘高等小學校。民國七年立。國民學校。民國六年立。均在長塘墟。以公廟爲校舍。經費以抽收墟中穀米捐。及附加長塘橫水渡捐屠捐爲常欸。

文昌國民學校。在長塘墟對岸大塘村。民國七年立。新葺公屋爲校舍。以長塘橫水渡捐穀租爲常欸。

蓮江高等小學校。民國九年立。國民學校。民國七年立。均在那蓮墟正行。假民房爲校舍。經費以北帝廟地租。及鹽船捐附加屠捐爲常欸。

重新國民學校。在沖磨村。以保寧寺爲校舍。抽收本段沿江石灰茅草出口捐爲經費。進步國民學校在張村。抽收本段沿江石灰茅草出口捐爲經費。

顏村國民學校。在顏村。假北帝廟爲校舍。

淥揚國民學校。在揚村。以上民國七年成立。

平樂國民學校。在平樂村。假龔氏及黃氏宗祠爲校舍。

潭澤國民學校。在潭澤村。假民房爲校舍。

黃窰國民學校。在那黃窰。假廟宇爲校舍。

新庄國民學校。在新庄村。假民房爲校舍。

稔水國民學校。在稔水村。假周氏宗祠爲校舍。

龍蟠國民學校。在龍蟠村。假廟宇爲校舍。

那孟國民學校。在那孟村。假民房爲校舍。

那連國民學校。在那連村。假張氏宗祠爲校舍。

團里國民學校。在團里村。假大廟爲校舍。

新村國民學校。在新村。假黃氏宗祠爲校舍。

新丁國民學校。在新丁村。假陳氏宗祠爲校舍。

淥遶國民學校。在淥遶村。假韋氏宗祠爲校舍。

玉洞國民學校。在玉洞村。假雷氏宗祠爲校舍。

那波國民學校。在坡祥村。假民房爲校舍。

楞仲國民學校。在楞仲村。

重道國民學校。在仲豆村。以玉皇廟爲校舍。抽收江口放出柴捐爲經費以上民國八年成立

那黃國民學校。在那黃村。假上寧公所爲校舍。民國九年成立

南斌女子國民學校。在良慶墟。民國七年立。以南斌集賢祀爲校舍。抽收船戶捐爲經費。

長塘女子國民學校。在長塘墟。民國十年立。假舊押舖爲校舍。

以區內屠牛捐。爲各校公共經費。

吳村鄉。在縣西南。與亭鄉毗連。距城自二十五里。至七十五里之遙。

強吳國民學校。在長綿村。以廟宇爲校舍。民國六年成立

興吳高等小學校。在吳村新墟。以三帝廟爲校舍。經費由團費籌撥。

新國民學校在新村。以五鄉廟爲校舍。以上民國七年成立。

尚志國民學校。在吳村舊墟。以清寧廟爲校舍。民國八年成立。

崇吳國民學校。在吳村舊墟。以清寧廟爲校舍。

敦善國民學校。在七坡村。假蘇氏宗祠爲校舍。

樂善國民學校。在淥村。以關帝廟為校舍。

至善國民學校。在淥墓村。以關帝廟為校舍。以上民國十二年成立

以區內屠牛捐為各校公共經費。

遷龍鄉。

在縣西南境。與吳村鄉毗連。距城自七十里。至一百五十里之遙。

蘇墟高等小學校。以龍王廟為校舍。國民學被。以真武廟為校舍。均在墟外義學塘邊。民國

六年同時成立。經費以生牛捐。豬崽捐。附加屠捐。及勸學所撥給義學穀租之半為常款。

朗墟高等小學校。及國民學校。在朗墟正街。以真武廟為校舍。經費以豬崽捐。油糖鹽稱捐。及附加屠捐為常款。

明新國民學校。在定英村。假慕氏祠為校舍。

輔正國民學校。在定皎村。假蕭氏祠為校舍。以上民國六年成立。

小吳國民學校。在萬吳村。假吳氏祠為校舍。

發蒙國民學校。在那齊村。假謝氏祠為校舍。

育英國民學校。在那兆村。以上民國七年成立。

那濛國民學校。在那濛村。民國八年立。假曾氏屋為校舍。

那郡國民學校。在那郡村。假梁姓屋為校舍。

蘇墟女子國民學校。在蘇墟內。假何氏祠為校舍。

朗墟女子國民學校。在朗墟內。假民房為校舍。以上民國九年成立。

彝良國民學校。在定髻村。將顯應廟。改為校舍。民國十年成立。

蘇墟第二高等小學校。假蘇村祠堂為校舍。國民學校。假四冬祠為校舍。以新墟生牛捐為的

款。民國十三年備案。

以區內屠牛捐爲各校公共經費。

那爲鄉。

在縣境西南。與吳村遷龍毗連。距城目六十里。至九十里之遙。

培英高等小學校。及第一國民學校。在那馬墟內。民國元年同時成立。修葺舊押舖油榨房晒地場及右鄰舖屋二間爲校舍。以抽取本墟米稱捐。運米出境船捐。附加屠捐爲常款。至德國國民學校。在平富村。民國十年立。

以區內屠牛捐。爲各公共經費。

劉墟鄉。

在縣南境。與蒲津鄉毗連。距城自八十五里。至一百三十里之遙。

斑峯高等小學校。在劉墟。民國元年成立。至四年停辦。六年恢復。以斑峯書院改設。即以書院原有穀租款項爲經費。

含文國民學校。民國六年立。高等小學校。民國七年成立。均在汶頭墟。汶水村。以含文書院。改爲校舍。即以該書院原有款項。爲常年經費。

三育國民學校。在那旺村。

安定國民學校。民國七年立。與育賢高小同校。以上民國七年成立。

英起高等小學校。在振寧墟。民國八年立。以三清廟爲校舍。

和里國民學校。在和里村。民國八年立。假李氏祠爲校舍。

天堂國民學校。在大堂村。民國八年立。

祿強國民學校。在祿強村。民國八年立。假黃氏祠爲校舍。

天祿國民學校。在劉村。民國八年立。假劉氏祠爲校舍。

育賢高等小學校。在那救村。假梁氏祠爲校舍以上民國八年成立

良珍國民學校。在良珍村。以九聖廟爲校舍。

洞青國民學校。在洞江村。

良偉國民學校。在良偉村。假梁氏祠爲校舍。

望江國民學校。在淥濠村。以龍母廟爲校舍。

中和國民學校。在劉村。假黃氏宗祠爲校舍。

振黃國民學校。在團黃村。假黃氏祠爲校舍。

培育國民學校。在劉墟。以三界廟爲校舍。

崛英國民學校。在那崛村。以三樂祠爲校舍。

里朗國民學校。在里朗村。假李氏祠爲校舍。

峯南高等小學校。及國民學校。在團黃村那魯坡。假黃氏祠爲校舍。民國十年。向繼祿會馮

廷壁陸祖慶等。買受護國寺祀田一莊。爲經常費。以上民國九年成立

大振國民學校。在淥蒙村。假福德祠爲校舍。民國十年成立

師範講習所。在劉墟。假民房爲校舍。今停。

麓楊國民學校。

培養國民學校。

養正國民學校。在那度村。

良住國民學校。在良住村。假梁氏祠爲校舍。

育英國民學校。在大里村。以上民國十一年成立。

平和國民學校。在平和村。假梁氏祠爲校舍。

英蔚國民學校。在潭村。校舍新建。

凌雲國民學校。在團凌村。假李氏祠爲校舍。以上民國十二年成立

以區內屠牛捐。爲各校公共經費。

心墟鄉。在縣北境。與城區毗連。距城自五里至三十里之遙。

振斌高等小學校。校舍以真一宮爲之。振斌國民學校。校舍以明天寺爲之。均在心墟內。

抽收墟中豬崽捐。及附加屠捐。以爲經費。

蘇盧國民學校。在蘇盧村。假蘇氏蔚文堂爲校舍。

黃文國民學校。在大黃文村。以村邊黃氏祠爲校舍。

十三年改爲心墟區。立第四國民學校。以上民國七年成立

羅文國民學校。在南村羅氏祠內。

安吉高等小學校。及國民學校。在安吉墟。以三皇廟爲校舍。以衆稱捐。附加屠捐爲經費。

以上民國八年成立

淶塘國民學校。在淶口三塘盧六廟。民國九年立。

以區內屠牛捐。爲各校公共經費。

石埠鄉。在縣西境。北岸與心墟鄉毗連。南岸與亭子鄉毗連。距城自八里至六十五里之遙。

作英國民學校。原名西治五團學校。在石埠墟。宣統二年立。民國初。改今名。以三帝廟爲校舍。以本墟生牛捐爲經費。

覃氏高小及國民學校。國民校。宣統元年立。高小校。民國四年立。均在那教村覃氏祠內。岑新高等小學校。及國民學校。在喬板新村西岑廟。梁氏國民學校在巷口村。以雙忠廟爲校舍。以上二校民國七年成立

錦槐高等小學校。及國民學校。在敢懷村旁。

八冬國民學校。在馬津八冬村。以鎮東祠爲校舍。

津北國民學校。在河邊犀牛寺。

津中國民學校。在馬津二冬村。

韶春國 學校。在郎可村。以邕王廟爲校舍。

夏雷國民學校。在夏雷村。以真武觀爲校舍。以上民國九年成立

平原國民學校。在平原村。黃氏祠內。

育才國民學校。在羅明村。

七冬國民學校。在七冬村。

以區內屠牛捐。爲各校公共經費。

楊美鄉。在縣西境。與石埠鄉毗連。距城六十五里至一百里之遙。

楊美鄉高等小學校。在楊美墟。民國七年成立。假杜氏祠爲校舍。附加全鄉屠牛捐爲經費。

楊楊美南區國民學校。以三界廟爲校舍。中區國民學校。賃餘慶坊梁姓屋爲校舍。北區國民

學校。賃杜氏支祠爲校舍。均於民國八年。同時成立。經費由賓興社租項下撥助。

胡村西區國民學校。民國八年成立。中區國民學校。東區國民學校。民國九年成立。俱在胡村段內。

安平高等小學校。在安平墟。民國八年成立。以三帝廟爲校舍。經費由墟中公款撥支。  
樹人國民學校。附安平高等小學校內。

那廓國民學校。在那廓墟。民國八年立。以谷母廟爲校舍。

劉彭國民學校。在劉村廟。民國八年立。

以區內屠牛捐。爲各校公共經費。

潭洛鄉。在縣境西。與楊美鄉毗連。距城自六十里。至一百五十里之遙。

潭洛高等小學校。在潭洛墟外三界廟。原名宣隆兩等小學堂。光緒季年成立。宣統初。始改今名。民國六年。鄉紳議擴充校舍。募捐建築樓房二間。常年經費。由潭洛鄉自治會經費項下撥支。

知方高等小學校。及國民學校。在金靈墟。民國二年立。以北帝廟。及關帝廟爲校舍。經費由潭洛鄉自治會經費項下撥支。並附加該墟屠捐。以彌補不足。

龍江高等小學校。在那龍墟。民國二年立。以太龍寺爲講堂。光祿祠爲宿舍。經費由潭洛鄉自治會經費項下撥支。並收本墟地攤租。及附加屠捐。以彌補不足。

龍江第一國民學校。在龍江高等小學左。民國三年。團紳宋承蔭承祿盧芝典等。就潭洛司廢署地。毀取宋村觀音廟、鎮南廟、材料。捐款移建校舍一間。經費由龍江高等小學校地攤租項下開支。

龍江第二國民學校。在蘭宋村。

龍石國民學校。在小石村。以上二校。民國六年成立。

金靈國民學校。在金靈墟。

定倫國民學校。在定倫村。

楞溪高等小學。及國民學校。在下楞墟。以該段公所爲講堂。梁氏祠爲寢室。抽收本埠捐。渡船捐爲經費。

龍江第三國民學校。在花黎村。

龍江第四國民學校。在花梁村。假盧氏宗祠爲校舍。

龍江第五國民學校。在甘村。假那蔭廟爲校舍。

龍江第六國民學校。在上合村。

龍江第七國民學校。在上平仵村。以上八校。民國七年成立。

三德國民學校。在定頓村。假梁氏祠爲校舍。經費由梁氏祠之畝地租項下提撥開支。允殖國民學校。在潭民村潭民鄉祠。經費由鄉祠人等酌籌補助。

甘溪高等小學校。在甘墟之甘村。假甘氏祠爲校舍。以附加屠捐爲經費。樂育高等小學校。及國民學校。在馬村。以上四校。民國九年成立。

師範講習所。附設潭落高小學校內。民國九年開辦。今停。

宣猷初級小學校。借九甲祠爲校舍。以坡仲谷楞澆塘楞栗塘等處地租爲經費。

宣哲初級小學校。借馬重祠爲校舍。以板概塘楞增塘等處地租爲經費。

宣績初級小學校。借潭香祠爲校舍。以那重三岸及增頭漳勞等處地租爲經費。

宣達初級小學校。借蘭孟祠爲校舍。以琴車塘租項爲經費。

宣力初級小學校。借定內祠爲校舍。以六公產那樓那馱等處租項爲經費。

宣培初級小學校校舍。建築在那培村邊。以祖王廟祀項爲經費。

宣尼初級小學校。校舍建築在正南墟。以定吞塘潭淇塘等處地租。及南區廟祀產爲經費。宣教初級小學校。借花周祠爲校舍。以定吞塘潭淇塘等處租項爲經費。以上八校。同在宣隆段。均民國十三年成立。宣隆段學會。在潭落墟。民國十三年七月成立。以區內屠牛捐。爲各校公共經費。

